

¡BOMBA!

Después de haber asistido a fiesta de aniversario, hay registro en inventario: covimuerto agradecido



K'intsil

Edición de fin de semana, del viernes 3 al domingo 5 de diciembre de 2021

CAMPECHE · YUCATÁN · QUINTANA ROO · AÑO 7 · NÚMERO 1625 · www.lajornadamaya.mx

POCHITOQUE ÁAK

WÍINIKE' KU BEETIK U P'ÁATAL ICH SAJBE'ENTSIL U KUXTAL LE BA'ALCHE'A'



Ojéela'an ti' suuk u siijil tu péetlu'umil Tabasco, ba'ale' k'i'itpaja'ano'ob tak tu méek'tankaajilo'ob Palizada yéetel Carmen, tu péetlu'umil Kaanpech. Pochitoquee' u k'áat u ya'ale' nukuc u sóol paach áak, ts'o'okole' táax.

Jacqueline May Díaz, u x k'a'aytajil Desarrollo y Medio Ambiente, A.C, tu ya'alaj kinosternon acutum u sientifiko k'aaba' le áaka', ba'ale' tak ma' seen úuche' jeel k'aaba'inta'ab beey cryptochels acuta. U ch'i'ibale' ti' yaan ichil kinosternidae.

Uláak' u k'aaba'obe' estuchée áak, pochitoque tabasqueño, candado, kaaskóo áak ichil uláak'o'ob. Je'el u k'uchul kuxtal tak 30 ja'abo'obe'. 12 cms u p'iisil le ba'alche'a', ba'ale' yaan ila'ane' k'ucha'an tak 20 cms u chowakil. Koob u boonil u sóol paach. Suuk u jaantik bak' tu chichnil yéetel tu táankelemil; kéen nuukake' ku jaantik xiiw. Ku kajtal tu'ux yaan ja' ma' ch'óoch'i'. Ku yila'al ich k'áax kaláanta'an Área de Protección de Flora y Fauna Laguna de Términos.

Wíinike' ku beetik u p'áatal ich sajbe'entsil u kuxtal le áaka', tumen tu péetlu'umil Tabascoe' ku jaantal u bak'el, ts'o'okole' u sóol paache' ku ch'a'aba beey paaxe'. Yóok'ol u féederal noj bejil 180e' ku yila'al máak jáal bej ku konik ba'ax k'ajóolta'an beey ensarta de pochitoques, beeta'an yéetel le ba'alche'a'.

GABRIEL GRANIEL HERRERA
OOHEL ANNIKA LINDQVIST

ESPECIAL: FAUNA NUESTRA | P. 44 TAK 46